

摘藻堂四庫全書薈要

集部

欽定四庫全書薈要

御選歷代詩餘卷八十一目錄

起一百三字
至一百四字

西平樂

又一體

晁補之

安平樂慢

万俟雅言

長相思

又一體

柳永

二郎神

又一體

馬莊父

湘江靜

史達祖

曲游春

又一體

施岳

秋霽

曾紆

西江月慢

呂渭老

情久長

呂渭老

二首

霓裳中序第一

又一體

周密

詹正

羅志仁

應法孫

憶舊遊

又一體

劉將孫

雨霖鈴

柳永

前調

又一體

黃裳

前調

又一體

王庭珪

雙聲子

柳永

雙頭蓮

又一體

周邦彥

春從天上來

又一體

吳激

吳易

西湖月

黃子行

金盞子

又一體

吳文英

蔣捷

楚宮春

又一體

周密

龍山會

又一體

趙以夫
二首

澡蘭香

吳文英

春雲怨

馮艾子

王世貞

竹馬子

柳永

前調 又一體

葉夢得

綺羅香

張炎

看花迴 又一體

趙彥端 二首

征部樂

柳永

水龍吟 又一體

蔣捷

花心動 又一體

謝逸

趙長卿

李彌遜

劉鎮

高觀國

史達祖

吳文英

蔣捷

阮逸女

黃子行

張翥

劉基

前調 又一體

劉燾

長相思

又一體

袁去華

陽春

又一體

楊无咎

望遠行

又一體

柳永

向湖邊

江緯

清江裂石

屠隆

于未

迎新春

柳永

傾杯樂

又一體

柳永

瀟湘逢故人慢又一體

王秋英

御選歷代詩餘卷八十一目錄

欽定四庫全書薈要卷二萬七百五十九

集部

御選歷代詩餘卷八十一

一起一百三字
至一百四字

西平樂

又一體雙調

一百三字

西平樂

廣陵送王
止仲赴闕

晁補之

鳳詔傳來絳闕當寧思賢輔淮海甘棠惠化霖雨商巖
吉夢熊虎周郊舊卜千秋盛際催促朝天歸去動離緒
空眷戀難暫駐新植雙亭臨水風月佳名未覩準擬

金尊時舉況樂府風流一部妍歌妙舞紫雲迴雪親教
與恨難訴爭欲攀轅借住功成繡袞重與江山作主

安平樂慢

雙調一
百三字

安平樂慢

都門池
苑應制

萬俟雅言

瑞日初遲緒風乍暖千花百草爭香瑤池路穩閨苑春
深雲樹水殿相望柳曲沙平看塵隨青蓋絮惹紅妝賣
酒綠陰旁無人不醉春光有十里笙歌萬家羅綺身

世疑在仙鄉行樂知無禁五侯半隱少年場舞妙歌妍
空妒得鶯嬌燕忙念芳菲都來幾日不堪風雨疎狂

長相思

又一體雙調
一百三字

長相思

柳永

畫鼓喧街蘭燈滿市皎月初照嚴城清都絳闕夜景風
傳銀箭露暖金莖巷陌縱橫過平康款轡緩聽歌聲鳳
燭熒熒那人家未掩香屏向羅綺叢中認得依稀舊

日雅態輕盈嬌波豔冶巧笑依然有意相迎牆頭馬上
漫遲留難寫深誠又豈知名宦拘檢年來減盡風情

二郎神

又一體雙調
一百三字

二郎神

柳花

馬莊父

日高睡起又恰見柳梢飛絮倩說與年年相挽却又因
他相誤南北東西何時定看碧沼青浮無數念蜀郡風
流金陵年少那尋張緒應許雪花比竝撲簾堆戶更

羽綴游絲羶鋪小徑腸斷鶉鳩喚雨舞態顛狂恨腰輕
怯散了幾回重聚空暗想昔日長亭別酒杜鵑催去

湘江靜

雙調一百三字

一名瀟湘靜

湘江靜

史達祖

春草堆青雲浸浦記匆匆倦篙曾駐漁榔四起沙鷗未
落怕愁沾詩句碧袖一聲歌石城怨西風隨去滄波蕩
晚菰蒲弄秋還重到斷魂處酒易醒思正苦想空山

桂香懸樹三年夢冷孤吟意短屢煙鐘津鼓屐齒厭登
臨移橙後幾番涼雨潘郎漸老風流損減閒居未賦

春游

又一體雙調
一百三字

春游

清明湖上次
周草窗韻

施岳

畫舸西泠路占柳陰花影芳意如織小楫衝波度麴塵
扇底粉香簾隙岸轉斜陽隔又過盡別船簫笛傍斷橋
翠繞紅圍相對半篙晴色頃刻千山暮碧向沽酒樓

前猶繫金勒乘月歸來正梨花夜縞海棠煙幕院宇明
寒食醉乍醒一庭春寂任滿身露濕東風欲眠未得

秋霽

雙調一百三字胡浩然作秋晴詞遂以名調又作春晴詞亦
名春霽但胡詞乃一百五字其有多寡者皆後人所損益也

秋霽

曾紆

木落山明暮江碧樓倚太虛寥廓素手飛觴釵頭笑取
金英滿浮桑落鬢雲漫約酒紅拂破香腮薄細細酌簾
外任教月轉畫闌角當年快意登臨異鄉節物難禁

離索故人遠凌波何在惟有殘英共寂寞愁到斷腸無處著寄寒香與憑渠問訊佳時弄粉吹花為誰梳掠

西江月慢

雙調一百三字

西江月慢

呂渭老

春風淡淡清晝永落英千尺桃杏散平郊晴蜂來往妙香飄擲傍畫橋煮酒青帘綠楊風外數聲長笛記去年紫陌朱門花下舊相識向寶幘裁書憑燕翼望翠閣

煙林似織聞道春衣猶未整過禁煙寒食但記取角枕
題情東牕休悞這些端的更莫待青子綠陰春事寂
情久長

雙調一百三字此調惟見呂渭老
二作竝無別格或作百二字者悞

情久長

呂渭老

冰梁跨水沈沈霽色遮千里怎向我小舟孤楫天外飄
墜夜寒侵短髮睡不穩牕外寒風漸起歲華暮蟾光射
雪碧瓦飄霜塵不動寒無際
雞咽荒郊夢也無歸計

擁繡枕斷魂殘魄清吟無味想伊睡起又念遠樓閣橫
枝對倚待歸去西牕翦燭小閣凝香深翠幙饒春睡

前調

呂渭老

瑣牕夜永無聊盡作傷心句甚近日帶紅移眼梨臉揮
兩春心償未足怎忍聽啼血催歸杜宇暮帆挂沈沈暝
色滾滾長江流不盡來無據點檢風光歲月今如許
趁此際浦花汀草一棹東去雲牕霧閣洞天曉同作煙
霞伴侶算誰見梅簾醉夢柳陌晴遊應未許春知處

霓裳中序第一

又一體雙調
一百三字

霓裳中序第一

周密

湘屏展翠疊恨入宮溝流怨葉銀釭冷金花暗結又鴈
影帶霜蛩音淒月珠寬腕雪歎錦箋芳字盈篋人何在
玉簫舊約忍對素娥說愁絕衣砧幽咽任帳底沈煙
漸滅紅蘭誰採贈別悵洛浦分綃漢皋遺珮舞鸞光半
缺最怕聽離絃乍闕凭闌久一庭香露桂影弄棲蝶

前調

羽士丈室
宣和古鏡

詹正

一規古蟾魄瞥過宣和幾春色知那箇柳髮花怯曾搓
玉團香塗雲抹月龍章鳳刻是如何兒女消得便孤了
翠鸞何恨人更在天北磨滅古今離別幸相從薊門
仙客蕭然林下秋葉對雲淡星疎睂青影白佳人已傾
國漫贏得癡銅舊畫興亡事道人知否見了也華髮

前調

四聖
觀

羅志仁

來鴻又去燕看罷江湖收畫扇漫湖曲雕闌倚倦正船

過西陵快篙如箭凌波不見但陌花遺曲淒怨孤山路
晚蒲病柳淡綠鎖深院 離恨五雲宮殿記舊日曾遊
翠輦青紅如寫便面悵下鵲池荒放鶴人遠粉牆隨岸
轉漏碧瓦殘陽一線蓬萊夢人間那信坐看海濤淺

前調

和周草
牕韻

應法孫

愁雲翠萬疊露柳寒蟬空抱葉珠簾捲流蘇寶結乍庭
戶嫩涼闌干微月玉纖勝雪委素紉塵消香篋思前事
鶯期燕約寂寞向誰說 悲絕漏籤聲咽漸寒地蘭缸

未減良宵長是間別恨酒凝紅綃粉浣瑤玦鏡盟鸞影
缺吹怨笛西風數闋無言久和衣成夢睡損縷金蝶

憶舊遊

又一體雙調
一百三字

憶舊遊

劉將孫

正落花時節憔悴東風綠滿愁痕悄客夢驚呼伴侶斷
鴻有約回泊歸雲江空共道惆悵夜雨隔蓬聞儘世外
縱橫人間恩怨細酌重論歎他鄉異縣渺舊雨新知

歷落情真匆匆那忍別料當君思我我亦思君人生自
非麋鹿無計久同羣此去重消魂黃昏細雨人閉門

雨霖鈴

本唐明皇蜀歸曲也取
以名詞雙調一百三字

雨霖鈴

秋別

柳永

寒蟬淒切對長亭晚驟雨初歇都門帳飲無緒方留戀
處蘭舟催發執手相看淚眼竟無語凝噎念去去千里
煙波暮靄沈沈楚天濶多情自古傷離別更那堪冷

落清秋節今宵酒醒何處楊柳岸曉風殘月此去經年
應是良辰好景虛設便縱有千種風情更與何人說

前調

又一體

黃裳

天南遊客甚而今却送君南國西風萬里無限吟蟬暗
續離情如織秣馬脂車去即去多少人惜望百里煙慘
雲山送兩程愁作行色飛帆過浙西封域到秋深且
樣荷花澤就船買得鱸鱖新穀破雪堆香粒此興誰同
須記東秦有客相憶願聽了一闋歌聲醉倒擽今日

前調

又一體

王庭珪

瑤樓玉宇滿人寰似海邊洲渚蓬萊又還水淺鯨濤靜
見銀宮如許紫極鳴簫聲斷望霓舟何處待夜深重倚
層霄認得瑤池廣寒路郢中舊曲誰能度恨聲歌響
入青雲去西湖近時絕唱總不道月梅鹽絮暗想當年
賓從毫端有驚人句漫說向枚叟鄒生共作梁園賦

雙聲子

雙調一

百三字

雙聲子

柳永

晚天蕭索斷蓬蹤跡乘興蘭棹東遊三吳風景姑蘇臺
榭牢落暮靄初收夫差舊國香徑沒徒有荒丘繁華處
悄無覩惟聞麋鹿呦呦想當年空運籌決戰圖王取
霸無休江山如畫雲濤煙浪翻輸范蠡扁舟驗前經後
史嗟漫載當日風流斜陽暮草茫茫盡成萬古遺愁

雙頭蓮

又一體雙調
一百三字

雙頭蓮

周邦彥

一抹殘霞幾行新鴈天染斷紅雲迷陣影隱約望中點
破晚空澄碧助秋色門掩西風橋橫斜照青翼未來濃
塵自起咫尺鳳幃合有人相識歎乖隔知甚時恣與
同攜懽適度曲傳觴竝羈飛轡綺陌畫堂連夕樓頭千
里帳底三更盡堪淚滴怎生向總無聊但只聽消息

春從天上來

又一體雙調
一百三字

春從天上來

吳激

海角飄零歎漢苑秦宮墜露飛螢夢回天上金屋銀屏
歌吹競舉青冥問當時遺譜有絕藝鼓瑟湘靈促哀彈
似林鶯啞啞山溜泠泠 梨園太平樂府醉幾度春風
鬢髮星星舞徹中原塵飛滄海風雪萬里龍庭寫胡笳
幽怨人憔悴不似丹青酒微醒一軒涼月燈火青熒

前調

吳易

有箇惺惺記雲韞春鬟波翦秋晴哀彈麗曲嘹唳流鶯

筆走錦字蛇驚憶挑燈丙夜翻青史評判豪英兩心期
待功成拂袖梅墅蓴汀 驀然江湖風景悵柳拂章臺
憔悴青青是耶非耶樓空人去夢語嗚咽悲凝縱成灰
心事多情債浩劫魂縈恁飄零韋郎兩世杜牧三生

西湖月

雙調一

百三字

西湖月

黃子行

湖光冷浸玻璃蕩一晌薰風小舟如葉藕花十丈雲梳

霧洗翠嬌紅怯壺觴圍坐處正酒醺吹波潮暈頰尚記
得玉臂生涼不放汗香輕浹 殢人小摘牆榴為碎搗
猩紅細認裙摺舊遊如夢新愁似織淚珠盈睫秋娘風
味在怎得對銀釭生笑靨消瘦沈約詩腰彷彿堪捻

金盞子

又一體雙調
一百三字

金盞子

寓牕桂
花晚開

吳文英

賞月梧園恨廣寒宮樹曉風搖落莓砌埽蛛塵空腸斷

熏鑪燼消殘萼，殿秋尚有餘花鎖。煙牕雲幄新鴈又無
端，送人江上短亭初泊。籬角夢依約，人一笑惺忪翠
袖薄。悠然醉魂喚醒幽叢畔，淒香霧雨漠漠晚吹乍顫。
秋聲早屏空金雀，明朝想猶有數點蜂黃伴我斟酌。

前調

蔣捷

練月縈牕夢乍醒，黃花翠竹庭館心字夜香消，人孤另
雙鷁被他羞。看擬待告訴天公，減秋聲一半無情鴈正
用恁時飛來叫雲尋伴。猶記杏攏暖銀燭下纖影却

佩款春渦暈紅豆小鶯衣嫩珠痕澹印芳汗自從信誤
青鸞想籠鸚停喚風刀快翦盡畫檐梧桐怎翦愁斷

楚宮春

又一體雙調
一百三字

楚宮春

牡丹

周密

香迎曉日看煙佩霞綃美女金谷倦倚畫闌無語情深
嬌足雲擁瑤房翠幙煖捲東風傾國半捻愁紅念舊遊
凝竚蘭翹瑞鸞低舞庭綠
猶想沉香亭北人醉裏芳

筆曾題私曲
浥浥露痕移
取春歸華屋
綠幃銀屏靜掩
悄未許鶯窺燕宿
酒半闌重遶
駕機醉靨爭妍
紅玉

龍山會

又一體雙調
一百三字

龍山會

九日
二首

趙以夫

佳節明朝九綵舫
凌虛共醉西風酒
湖光藍潤透雲浪
碎巧學波紋吹皺
碧落杳無邊
但玉削千峰寒瘦
留連
久秋容似洗
月華如畫
回頭南楚東徐
暝靄蒼煙處

處空刁斗山公今健否功名事付與年時交舊白髮苦
欺人尚堪插黃花盈首歸去也東籬好在覓淵明友

前調

趙以夫

九日無風雨一笑凭高浩氣橫秋宇羣峯青可數寒城
小一水縈迴如縷西北最闕情漫遙指東徐南楚黯消
魂斜陽冉冉鴈聲悲苦今朝寒菊依然重上南樓草
草成歡聚詩朋休浪賦舊題處俛仰已隨塵土莫放酒
行疎清漏短涼蟾當午也全勝白衣未至獨醒凝竚

澡蘭香

雙調一

百三字

澡蘭香

淮安
重午

吳文英

盤絲繫杼巧篆垂簪玉隱紺紗睡覺銀瓶露井彩筆雲
牕往事少年依約為當時曾寫榴裙傷心紅綃褪萼泰
夢光陰漸老汀洲煙弱莫唱江南古調怨抑難招楚
江沈魄薰風燕乳暗雨梅黃午鏡澡蘭簾幙念秦樓也
擬人歸應翦菖蒲自酌但悵望一縷新蟾隨人天角

春雲怨

宋馮艾子自度曲其詞傷春感
昔故以怨名雙調一百三字

春雲怨 上已

馮艾子

春風惡劣把數枝香錦和鶯吹折雨重柳腰嬌困燕子
欲扶扶不得軟日烘煙乾風收霧芍藥荼蘼美顏色簾
幙輕陰圖書清潤日永篆香絕 盈盈笑靨宮黃額試
紅鸞小扇丁香雙結團鳳睂心情郎貼教洗金疊共看
西堂醉花新月曲水澄空麗人何處往事暮雲萬葉

前調

王世貞

風傳雨倦漸柳眠無力花如中酒睡怯象牀寒峭幽夢
幾回渾不就燕搗華絃鶯調清管細譜新詞杜鵑蜀行
路方難歸期無據愁與悶相守芳醪點出天公手解
翻寒作暖攬辰成酉枕畔華胥暫拖逗青眼朦朧一任
長門送來銀漏未舉尊前乍停杯後半刻也堪白首

竹馬子

子或作兒雙
調一百三字

竹馬子

柳永

登孤壘荒涼危亭曠望靜臨煙渚對雌霓挂宇雄風拂
檻微收煩暑漸覺一葉驚秋殘蟬噪晚素商時序覽景
想前歡指神京非霧非煙深處向此成追感新愁易
積故人難聚憑高盡日凝竚贏得消魂無語極目霽靄
霏微斷鴉零亂蕭索江城暮南樓畫角又逐殘陽去

前調

又一體

葉夢得

與君記平山堂前細柳幾回同挽又征帆夜落危檻依

舊遙臨雲嶽自笑來往匆匆朱顏漸改故人俱遠橫笛
想遺聲但寒松千丈傾崖蒼蘚世事終何已田園縱
在歲陰仍晚嵇康老來尤嬾只要蓴羹菰飯却欲便買
茅廬短篷輕櫂尊酒猶能辦君能過我水雲聊為伴

綺羅香

雙調一
百三字

綺羅香

張炎

候館深燈遼天斷羽近日音書疑絕轉眼傷心慵看刺

歌殘闕纔忘了還著思量待去也怎禁離別恨只恨桃
葉空江殷勤不似謝紅葉良宵誰見哽咽對熏鑪象
尺間伴淒切獨立西風猶憶舊家時節隨款步花密藏
春聽怯語柳疎嫌月今休問燕約鶯期夢游空趁蝶
看花迴

又一體雙調
一百三字

看花迴

趙彥端

注目正江湖浩蕩煙雲離屬美人衣蘭佩玉澹秋水凝

神陽春翻曲烹鮮坐嘯清淨五千言自足橫劍氣南斗
光中浩然一醉引雙鹿回鴈未歸書未續夢草處舊
芳重綠誰憶瀟湘歲晚為喚起長風吹飛黃鵠功名異
時圯上家傳謝寵辱待封留拜公堂下授我長生錄

前調

趙彥端

愛日報疎梅動意春前罇白晝棟曉開壽域度百和溫
磨霜華無力斑衣翠袖人面年年照酒色環四座壁月
瓊枝恍然江縣擬鄉國聞道撫東岩舊迹又殊勝謝

家清逸知與桃花笑了定何似青鳥層城消息他年妙
高峰上優曇會堪折擁輕軒未妨遊戲看取朱輪十

征部樂

雙調一
百三字

征部樂

柳永

雅歡幽會良夜可惜虛拋擲追念狂蹤舊跡長祇恁愁
悶朝夕憑誰去花街覓細說與此中端的道向我轉覺
厭厭夢役魂勞苦相憶須知最有風前月下心事始

終難得但願我蟲蟲心下把人看待長似初相識況逢
春色便是有舉場消息待這回好好憐伊更不輕折

水龍吟

又一體雙調

一百三字

水龍吟

招梅魂

蔣捷

醉吟瓊瀝浮觴些招兮遣巫陽些君母去此颶風將起
天微黃些野馬塵埃汗君楚楚白霓裳些駕空兮雲浪
茫洋東下流君往他方些月滿兮方塘些叫雲兮笛

淒涼些歸來兮為我重倚蛟背寒鱗蒼些俯視春紅浩
然一笑吐幽香些翠禽兮弄曉招君未至我心傷些

花心動

又一體雙調

一百四字

花心動

謝逸

風裏楊花輕薄性銀燭高燒心熱香餌懸釣魚不輕吞
辜負釣兒虛設桑蠶到老絲長絆鍼刺眼淚流成血思
量起拈枝花朵果兒難結海樣情深忍撇似夢裏相

逢不勝歡悅出水雙蓮摘取一枝可惜竝頭分折猛期
月滿會姮娥誰知是初生新月折翼鳥甚日于飛時節

前調

客中見寄
煖香書院

趙長卿

風軟寒輕暗香飄撲面無限清楚乍淡乍濃應想前村
定是早梅初吐馬兒行過坡兒下危橋外竹梢疎處半
斜露花花蕊蕊燦然滿樹一晌看花凝竚因念我西
園玉英真素最是繫心婉婉精神伴得水雲仙侶斷腸
沒奈人千里無計向釵頭頻覩淚如雨那堪又還日暮

前調

李彌遜

水館風亭晚香濃一番
芰荷經雨簟枕乍閒襟
裾初試散盡滿軒
袞暑斷雲却送輕雷去
疎林外玉鈎微吐夜
未闌秋生敗葉暗催庭
樹天上佳期久阻星
河畔仙車縹緲雲路
舊恨未平幽歡難駐
灑落半天風露綺羅
人散金猊冷醉魂到
華胥深處洞房悄南
樓畫角自語

前調

劉鎮

鳩雨催晴徧園林
一番綠嬌紅媚柳外
金衣花底香鬢

消得豔陽天氣障泥步錦尋芳路稱來往縱橫珠翠笑
攜手旗亭問酒更酬春思還記東山樂事向歌雪香
中伴春沈醉粉袖殢人彩筆題詩陶寫老來風味夜深
銀燭明如晝待歸去看承花睡夢雲散屏山半熏沈水

前調

梅意

高觀國

碧蘚封枝點寒英疎疎玉清冰濕夢憶舊家春與新恩
曾映壽陽妝額綠衣青袂南隣伴應怪我精神都別恨
衰晚春風意思頗成羞怯猶念橫斜性格惱和靖吟

魂自來清絕斜傍勁松偷倚修篁總是歲寒相識綠陰
青子當時意到如今芳心銷歇小橋夜清愁倦陪澹月

前調

史達祖

風約簾波錦機寒難遮海棠煙雨夜酒未蘇春枕猶敲
曾是悞成歌舞半褰薇帳雲頭散奈愁味不隨香去儘
沈靜文園更渴有人知否 嬾記溫柔舊處偏只怕臨
風見他桃樹繡戶鎖塵錦瑟空絃無復畫睂心緒待拈
銀管書春恨被雙燕替人言語意不盡垂楊幾千萬縷

前調

柳

吳文英

十里東風裊垂楊長似舞時腰瘦翠館朱樓紫陌青門
處處燕鶯晴晝乍看搖曳金絲綬青淺映鵝黃如酒嫩
陰裏煙滋露染翠嬌紅溜此際雕鞍去久空追念郵
亭短枝盈首海角天涯寒食清明淚點絮花沾袖年年
折贈行人遠今年恨依然纖手斷腸也羞看畫應未就

前調

南塘
元夕

蔣捷

春入南塘粉梅花盈盈倚風微笑虹暈貫簾星毬攢巷

徧地寶光交照湧金門外樓臺影參差浸西湖波渺暮
天遠芙蓉萬朵是誰移到鬢鬢雙仙未老陪玳席佳
賓暖香雲繞翠筵叩冰銀管噓霜瑞露滿鍾頻醕醉歸
深院重歌舞瑤盤轉珍珠紅小鳳洲柳絲絲淡煙弄曉
前調

阮逸女

仙苑春濃小桃開枝枝已堪攀折乍雨乍晴輕暖輕寒
漸近賞花時節柳搖臺榭東風軟簾櫳靜幽禽調舌斷
魂遠閒尋翠徑成愁結此恨無人共說還立盡黃

昏寸心空切強整繡衾獨掩朱扉簾枕為誰鋪設夜長
更漏傳聲遠紗牕映銀釭明滅夢回處梅梢半籠淡月

前調

落梅

黃子行

誰倚青樓把謫仙長笛數聲吹裂一片乍零千點還飛
正是雨晴時節水晶簾外東風起卷不盡滿庭春雪畫
闌小斜鋪亂飈翠苔成纈
娟娟餘香未歇空悵望音
塵兩眉愁切翠袖淚乾粉額妝寒此恨有誰同說江南
春信無痕跡餘情在冷煙殘月夢魂遠蘭燈伴人易滅

前調

釵浦有感

張翥

花信風寒綺牕深
匆匆禁煙時節
燕子乍來宿雨才晴
滿樹海棠如雪
黛眉準擬明朝畫燈
花翦妝匳雙疊負
佳約鵲還誤報
燕應羞說
寶鏡將圓又缺
從澀盡銀簧
怕吹嗚咽
一霎夢魂也喚相逢
依舊斷雲殘月
古來多少春閨怨
看薄命無人如妾軟
綃帕憑誰寄
將啼血

前調

劉基

牆下紅葵向斜陽
猶開那時顏色
半捲繡簾獨倚雕闌

淚眼為誰長滴九疑煙霧連蓬島蜚魚去渾無蹤跡舊
遊處空餘滿地綠苔堆積百歲真如過客待落蕊重
榮不知何夕鏡掩素塵香歇羅衣此恨怎生消得夜涼
月轉梧桐影青燈共疎螢寥寂正憔悴饑蟲又啼暗壁

前調

又一體
咏梅

劉 燾

偏憶江梅有塵表丰儀世外標格低傍小橋斜出疎籬
似向隴頭曾識暗香孤韻冰霜裏初不怕春寒邀勒問
桃李盈門怎生向前爭得省共蕭娘去摘玉纖映瓊

枝照人一色淡粉暈酥多少飛來到得壽陽宮額再三
留得東君管都將那別花不惜但只恐高樓又三弄笛
長相思

又一體雙調
一百四字

長相思

袁去華

葉舞殷紅水搖瘦碧隱約天際帆歸寒鴉影裏斷雁聲
中依然殘照輝輝立馬看梅試尋香嚼蕊醉折繁枝山
翠埽修眉記人人感黛愁時
歎客裏光陰易失霜侵

短鬢塵染征衣陽臺雲歸後到如今重見無期流怨清
商空細寫琴心向誰更難將愁隨夢去相思惟有天知

陽春

又一體雙調
一百四字

陽春

楊无咎

蕙風輕鶯語巧應喜乍離幽谷飛過北牕前迎晴曉麗
日明透翠幃縠篆臺芬馥初睡起橫斜簪玉因甚自覺
腰肢瘦新來又寬裙幅對清鏡無心忺梳裏誰問著

餘醒帶宿尋思前懽往事似驚回好夢難續花亭徧倚
檻曲厭滿眼爭春凡木儘顛過了清明候愁紅慘綠
望遠行

又一體雙調
一百四字

望遠行

柳永

繡幃睡起殘妝淺無緒勻紅鋪翠藻井凝塵金堦鋪蘚
寂寞鳳樓十二風絮紛紛煙蕪冉冉永日畫闌沉吟獨
倚望遠行南陌春殘悄歸騎凝睇消遣離愁無計但

暗擲金釵買對好景空飲香醪爭奈轉添珠淚待伊遊
冶歸來故故解放翠羽輕裙重繫見纖腰圖信人憔悴
向湖邊

雙調一
百四字

向湖邊

江緯

退處鄉闕幽棲林藪舍宇第須茅蓋翠巘清泉啟軒牕
遙對遇等閒鄰里過從親朋臨顧草草便成歡會策杖
攜壺向湖邊柳外旋買溪魚便斫銀絲鱠誰復欲痛

飲如長鯨吞海共惜醺酣恐懽娛難再矧清風明月非
錢買休追念金馬玉堂心膽碎且鬪尊前有阿誰身在

清江裂石

雙調一

百四字

清江裂石

屠隆

淼淼重湖背郭斜永日坐蒹葭四面山青不斷樓閣外
亂水明霞有畫船錦纜載詞客金翹雜佩强半挾吳娃
水窮處長林古寺夏木綠陰遮回首望空明白鷗隱

隱飛來帶一片輕沙把酒問西湖今來古往都不管興
亡舊恨年華與客擢扁舟聽取哀絃急筑散髮弄荷花
前調

于未

忽見推簾起暮鴉風逼小燈斜又被打牕雪片呼奴問
可壓梅花有開釭初試烏程酒舉杯豪飲強半惜年華
縱博得玉壺香暖畢竟是天涯 渾一片雲山四圍隱
隱飛蠻帶不起煙霞驢背歎行頻壚頭暫醉料醒來孤
蹤依舊塵沙正醒醉含愁猛聽征鴻嘹唳哀怨過誰家

迎新春

雙調一
百四字

迎新春

柳永

嶰管變青律，帝里陽和新。布晴景，回輕煦，慶佳節。當三
五，列華燈，千門萬戶。徧九陌，羅綺香風，微度十里，燃絳
樹。鰲山聳喧喧，簫鼓漸天如水。素月當午，香徑裏，絕
纓擲果無數。更闌燭影，花陰下，少年人，往往奇遇。太平
時，朝野多歡，民康阜，堪隨分，良聚對此，爭忍獨醒歸去。

傾杯樂

又一體雙調
一百四字

傾杯樂

柳永

木落霜洲鴈橫煙渚分明畫出秋色暮雨乍歇小檝夜泊宿葦村山驛何人月下臨風處起一聲羌笛離愁萬緒聞岸草切切蛩吟如織為憶芳容別後水遙山遠何計憑鱗翼想淵閣深沉爭知憔悴損天涯行客楚峽雲歸高陽人散寂寞狂蹤跡望京國空目斷遠峰凝碧

瀟湘逢故人慢

又一體雙調
一百四字

瀟湘逢故人慢


谷韓
夢雲

元女鬼

王秋英

春光將暮見嫩柳拖煙
嬌花帶霧頃刻間風雨把堂上
深恩閨中遺事鑽火留錫都付却落花飛絮又何心挈
壘提壺鬪草踏青盈路
子規啼蝴蝶舞徧南北山頭
紙灰綠醅奠一丘黃土
歎海角飄零湘陰淒楚無主
泉局也能得有情雞黍
畫角聲吹落梅花又帶離愁歸去

御選歷代詩餘卷八十一



總校官庶吉士臣張能照

校對官庶吉士臣陳墉

謄錄監生臣薛翰

欽定四庫全書薈要

集部

御選歷代詩餘卷八十二

詳校官編修臣汪鏞

欽定四庫全書薈要

御選歷代詩餘卷八十二目錄

一百四字

歸朝歡

又一體

張先

柳永

蘇軾

辛棄疾

三首

馬莊父



嚴仁 三首

無名氏

詹正

吳子孝

憶舊遊 又一體

周密 二首

二郎神 又一體

柳永

春從天上來

又一體

王惲

張翥

齊天樂

又一體

衛元卿

霜花腴

吳文英

月中桂

趙彥端

水龍吟

又一體

葛立方

張孝祥

二首

前調

又一體

趙長卿

永遇樂

柳永

蘇軾 三首

晁補之 二首

解昉

周紫芝

葉夢得

趙師俠 二首

李綱

楊无咎

辛棄疾

二首

張元幹

二首

趙彥端

劉儼

黃機

高觀國

趙以夫

洪璚

吳文英 二首

蔣捷

任詢

危復之

前調 又一體

馮琦

前調 又一體

柳永

前調 又一體

陳允平

御選歷代詩餘卷八十二目錄

欽定四庫全書薈要卷二萬七百六十

集部

御選歷代詩餘卷八十二

一百
四字

歸朝歡

又一體雙調一百

四字一名菖蒲綠

歸朝歡

張先

聲轉轆轤聞露井曉引銀餅牽素縷西園人語夜來風
叢英飄墮紅成徑寶猊烟未冷蓮臺香蠟殘痕凝等身
金誰能得意買此好光景
粉落輕妝紅玉瑩月枕橫

釵雲墜領有情無物不雙棲
文禽只合長交頸
晝長歡
豈定爭如翻作春宵永
日曛矐嬌柔懶起簾幙
卷花影

前調

柳永

別岸扁舟三兩隻
葭蕭蕭風淅淅
沙汀宿鴈破煙飛
溪橋殘月和霜白
漸漸分樹色
路遙川遠多行役
往來人隻輪雙槳盡是利名客
一望鄉關煙水隔
轉覺歸心生羽翼
愁雲恨雨兩縈牽
新春殘臘相催逼
歲華都瞬息
浪萍風梗誠何益
問歸期
玉樓深處有箇人相憶

前調

蘇軾

我夢扁舟浮震澤雪浪搖空千頃白覺來滿眼是廬山
倚天無數開青壁此生長接浙與君同是江南客夢中
遊覺來清賞同作飛梭擲明日西風還掛席唱我新

詞淚沾臆靈均去後楚山空澧陽蘭芷無顏色君才如
夢得武陵更在西南極竹枝詞暮徭新唱誰謂古今隔

前韻

題鄭元英
尚友齋

辛棄疾

萬里康成西走蜀藥市船歸書滿屋有時光彩射星躔

何人汗簡讐天祿好之寧有足請看良賈藏金玉記斯
文十年未喪四壁聞絲竹試問辛勤攜一束何似牙
籤三萬軸古來不作借人癡有朋只就芸牕讀憶君清
夢熟覺來笑我便便腹倚危樓人間誰舞埽地八風曲

前調

題積翠巖

辛棄疾

我笑共工緣底怒觸斷峨峨天一柱補天又笑女媧忙
却將此石投閒處野煙荒草路先生拄杖來看汝倚蒼
苔摩挲試問千古幾風雨長被兒童畧火苦時有牛

羊磨角去霍然千丈翠巖屏鏘然一滴甘泉乳結亭三
四五會相暖熱攜歌舞細思量古來寒士不過有時遇

前調

寄題著
山石林

辛棄疾

見說岷峨千古雪都作岷峨山上石君家右史老泉公
千金未盡勤收拾一堂真萬石閒庭更與天突兀記當
時長編筆硯日日雲煙濕野老時逢山鬼泣誰夜持
山去難覓有人依樣入明光玉堦之下巖巖立琅玕無
數碧風流不數平泉物欲重吟青葱玉樹須倩子雲筆

前調

馬莊父

聽得提壺沽美酒人道杏花深處有杏花狼籍鳥啼風
十分春色今無九麝煤消永晝青煙飛上庭前柳畫堂
深不寒不暖正好時候團團寶月憑纖手暫借歌

喉招舞袖真珠滴破小槽紅香肌縮盡纖羅瘦投分須
白首黃金散與親和舊且銜杯壯心未落風月長相守

前調

南劍雙
溪樓

嚴仁

五月人間揮汗雨離恨一襟何處去雙溪樓下碧千尋

雙溪樓上匏尊舉晚涼生綠樹漁燈幾點依洲渚莫狂
歌潭空月冷慘慘瘦蛟舞變化往來無定所求劍刻
舟應笑汝只今誰是晉司空斗牛奕奕紅光吐我來空
弔古與君同記凭闌語問滄波乘槎此去流到天河否

前調

嚴仁

朱戶綠牕深窈窕閃閃華旗紅捍小相逢斜柳絆輕舟
渚香不斷蘋花老西風吹夢草題詩未了還驚覺獨傷
心淒涼故館月過西樓悄樓外斜河低浸斗夜已如

何夜將曉心期欲寄赤鱗魚秋雲不動秋江渺相思千里道多情直被無情惱玉臺前請君試看華髮添多少

前調

壽蕭禹平

嚴仁

雲表金莖珠璀璨當日投懷驚玉燕文章議論壓西廡風流姓氏翔東觀紫皇嗟見晚祥麟五色留金殿大江西銅章墨綬暫爾煩君綰十二金釵扶玉盞錦瑟縱縱隨急管獸鑪煙動彩雲高秋聲拍碎紅牙板趣君歸翰苑萊衣煥爛潘輿穩任方瞳從今看到弱水波清淺

前調

對雪追
和東坡

無名氏

透隙猷窗風撼撼坐見廣庭霜縞白長安道上正騎驢
蔡州城裏誰堅壁表表風塵物瑤林瓊樹三豪客對揮
毫連珠唱王競把詩箋擲草草杯盤還促席痛飲狂
歌話胸臆前村昨夜放梅花東鄰休把誇容色清歡那
易得明朝烏轡升南極帶隨車黃壚咫尺莫作山河隔

前調

詹正

畫角西風轟萬鼓猶憶元戎談笑處鐵衣露重劍光寒

海波飛立魚龍舞匆匆留不住萬里玉關如掌路空悵
望夕陽暮靄人立灣傍渡木落山空人掩戶得似舊
時春色否鴈聲呼徹楚天低玉驄嘶入煙雲去無人憑
說與梅花淚老愁如雨猶記得顛崖如此細向席前語

前調

春雪

吳子孝

新歲郊原纖草碧陡然寒甚同雲密雪花如掌逐狂飈
冰漸似玉流香陌凍成天地白江山萬里都輝赫泛蘭
舟捲簾四望佳景真奇特江南二月非江北茂苑千

花當盡拆天公有意厭塵氛人間借作瑤臺色雲巖天
咫尺山頭老樹鵑翻日酒酣時登高能賦聊倩春風筆
憶舊遊

又一體雙調

一百四字

憶舊遊

寄王聖與

周密

記移燈翦雨換火篝香去歲今朝乍見翻疑夢更梅邊
攜手笑挽吟髭依依故人情味歌舞試春嬌對婉婉年
芳飄零身世尊酒趁愁消天涯未歸客望錦羽沉沉

翠水迢迢歎荊荒薇老負故人猿鶴舊隱難招疎花漫
捺愁思無句到寒梢但夢繞西冷空江冷月魂斷隨潮

前調

有懷
東園

周 密

記花陰翦燭柳影飛梭庭戶東風綵筆爭春艷任香迷
舞袖醉倒歌叢畫簾靜捲春晝雲翦玉玲瓏奈恨絕冰
絃塵侵翠譜別鳳引離鴻 鴛鴦怨春遠但翠冷閒堦
墜粉飄紅事逐年華換歎水流花謝燕去樓空繡鴛暗
老微逕殘夢遶雕櫳悵寶瑟無聲愁痕沁碧江上孤峰

二郎神

又一體雙調

一百四字

二郎神

七夕

柳永

炎光謝過暮雨芳塵輕灑乍露冷風清庭戶爽天如水
玉鉤遙掛應是星娥嗟久阻叙舊約飈輪欲駕極目處
微雲暗度耿耿銀河高瀉閒雅須知此景古今無價
運巧思穿鍼樓上女擡粉面雲鬟相亞鈿合金釵私語
處算誰在回廊影下願天上人間占得歡娛年年今夜

春從天上來

又一體雙調

一百四字

春從天上來

見故宮人感賦

王 惲

羅綺深宮記紫袖雙垂當日昭容錦封香重彤管春融
帝座一點雲紅正臺門事簡更提奏清晝相同聽鈞天
侍瀛池內宴長樂歌鐘 回頭五雲雙闕恍天上繁華
玉殿珠櫳白髮歸來昆明灰冷十年一夢無蹤寫杜娘
哀怨和淚點彈與孤鴻淡長空看五陵何似無樹秋風

前調

廣陵冬夜
和松雲子

張翥

嫋嫋秋風聽響徹雲間彩鳳啼雄羸女飛下玉佩玲瓏
腸斷十二臺空渺霜天如海寫不盡楚客情濃燭銷紅
更鏘金振羽變徵移宮揚州舊時月色歎水調如今
離唱誰工露葉殘蛾蟾花遺粉寂寞瓊樹香中問坡仙
何處滄江上鶴夢無蹤思難窮把一襟幽怨吹與魚龍
齊天樂

又一體雙調

一百四字

齊天樂

填溫飛卿
江南曲

魏元卿

鶉花洲上芙蓉槭，羞郎故移深處。弄影萍開，搴香袖，
鵲鵲雙雙飛去。垂鞭笑顧，問住否，橫塘試窺簾戶。妙舞
妍歌，甚時相見，定相許。歸來顚顚錦帳，久塵金犢，
連娟黛睂顰嫵。扇底紅鉛，愁痕暗漬，消得腰支如杵。
鸞弦解語，鎮明月西南，伴人淒楚。悶拾楊花，等閒春又負。
霜花腴

雙調一百四字此

吳文英自度曲也

霜花腴

重陽前一
日泛石湖

吳文英

翠微路窄醉晚風憑誰為整
敲冠霜飽花腴燭銷人瘦
秋光做也都難病懷強寬恨
鴈聲偏落歌前記年時舊
宿淒涼暮煙秋雨野橋寒
妝靨鬢英爭艷度清商一
曲暗墜金蟬芳節多陰
蘭情稀會晴暉稱拂吟箋
更移畫船引珮環邀下嬋
娟算明朝未了重陽紫萸
應耐看

月中桂

雙調一

百四字

月中桂

送杜仲微赴闕

趙彥端

露醕無情送長歌未終已醉離別何如暮雨釀一襟涼
潤來留佳客好山侵座碧勝昨夜疎星淡月君欲翩然
去人間底許員嶠問帆席詩情病非疇昔賴親朋對
影且慰良夕風流雨散定幾回腸斷能禁頭白為君煩
素手薦碧藕輕絲細雪去去江南路猶應水雲秋共色

水龍吟

又一體雙調

一百四字

水龍吟

游釣臺

葛立方

九州雄傑溪山遂安自古稱佳處雲迷半嶺風號淺瀨
輕舟斜渡朱閣橫飛漁磯無恙鳥啼林塢弔高人陳迹
空瞻遺像知英烈誰千古憶昔龍飛光武悵當年故
人何許羊裘自貴龍章難換不如歸去七里溪邊鷓鴣
源畔一蓑烟雨歎如今宕子翻將釣手遮日向西秦路

前調

過浯溪

張孝祥

平生只說浯溪斜陽喚渡秋船繫月華未吐波光不動

新涼如水長嘯一聲山鳴谷應棲禽驚起自顏元去後
水流花謝當年事無人記 須信兩賢不死駕飛車時
遊此地漫郎宅裏中興碑下應留屐齒酌我清尊洗君
孤憤來同一醉待相期把袂清都歸路騎鶴去三千歲

前調

望九
華作

張孝祥

竹輿曉入青陽細風涼月天如洗峰回路轉雲舒霧捲
了非人世轉就丹砂鑄成金鼎碧光相倚料天關虎守
箕疇龍負開神秘留茲地 縹渺朱幢羽衛望蓬萊初

無弱水仙人拍手山頭笑我塵埃滿袂春鎖瑤房霧迷
芝圃昔游都記悵世緣未了匆匆又去空凝竚烟霄裏

前調

又一體
餘醺

趙長卿

韶華迤邐三春暮飛盡繁紅無數多情為與牡丹長約
年年為主曉露凝香柔條千縷輕盈清素最堪憐玉質
冰肌婀娜江梅漫休爭妬翠蔓扶疎隱映似碧紗籠
罩越溪游女從前愛惜嬌姿終日愁風怕雨夜月一簾
小樓魂斷有思量處恐因循易嫁東風爛漫暗隨春去

永遇樂

雙調一百四

字一名消息

永遇樂

柳永

天閣英遊內朝密侍當世榮遇漢守分麾堯庭請瑞方
面憑心膂風馳千騎雲擁雙旌向曉洞開嚴署擁朱旂
喜色歡聲處處競歌來暮吳王舊國今古江山秀異
人烟繁富甘雨車行仁風扇動雅稱安黎庶棠郊成政
槐府登賢非久定須歸去且乘閒弘閣長開融尊盛舉

前調

蘇軾

明月如霜好風如水清景無限曲港跳魚圓荷瀉露寂寞無人見紈如五鼓錚如一葉黯黯夢魂驚斷夜茫茫重尋無處覺來小園行徧天涯倦客山中歸路望斷故園心眼燕子樓空佳人何在空鎖樓中燕古今如夢何曾夢覺但有舊歡新怨異時對南樓夜景為余浩歎

前調

送孫巨源

蘇軾

長憶別時景疏樓下明月如水美酒清歌留連不住月

隨人千里別來三度孤光又滿冷落共誰同醉捲珠簾
淒然顧影共伊到明無寐今朝有客來從淮上能道
使君深意憑仗清淮分明到海中有相思淚而今何在
西垣清禁夜永雲華侵被此時看迴廊曉月也應暗記

前調

眺望

蘇軾

天末山橫半空簫鼓樓觀高起指點栽成東風滿院總
是新桃李綸巾羽扇一尊飲罷目送斷鴻千里攜清歌
餘音不斷縹緲尚縈流水年來自笑無情何事猶有

多情遺思綠鬢朱顏匆匆擽了却記花前醉明年春到
重尋幽夢應在亂鶯聲裏拍闌干斜陽轉處有誰共倚

前調

晁補之

松菊堂深芰荷池小長夏清暑燕引雛還鳩呼婦往人
靜郊原趣麥天已過薄衣輕扇試起遶園徐步聽衡宇
欣欣童稚共說夜來初雨 蒼官逕裏紫葳枝上數點
幽花垂露東里催鉏西鄰助餉相戒清晨去斜川歸興
悠然滿目回首帝鄉何處只愁恐輕鞭犯夜霸陵舊路

前調

端午

晁補之

紅日葵開映牆遮牖小齋端午杯展荷金簪抽笋玉幽
事還堪數綠牕纖手朱匳輕縷爭鬪綵絲艾虎想沉江
怨魄歸來空惆悵對菰黍朱顏老去清風好在未減
佳辰歡聚蠟酒深斟菖蘆細糝圍坐從兒女還同子美
江村長夏閒對燕飛鷗舞算何須楚王雄風方消畏暑

前調

解昉

風暖鶯嬌露濃花重天氣和煦院落烟收垂楊舞困無

奈堆金縷誰家巧縱青樓絃管惹起夢雲情緒憶當時
文衾絮枕未嘗暫孤鴛侶芳菲易老故人難聚到此

翻成輕誤閨苑仙遙蠻牋縱寫何計傳深訴青山綠水
古今長在惟有舊歡何處空贏得斜陽暮草淡烟細雨

前調

午日

周紫芝

槐幄如雲燕泥猶濕雨餘清暑細草搖風小荷擎雨時
節還端午碧羅牕底依稀記得閒繫翠絲烟縷到如今
前歡如夢還對綠條無語榴花半吐金刀猶在往事

更堪重數艾虎釵頭菖蒲酒裏舊約渾無據輕衫如霧
玉肌似削人在畫樓深處想靈符無人共戴翠睂暗聚

前調

葉夢得

蘋芷芳洲故人回首雲海何處五畝荒田殷勤問我歸
計真成否洞庭波冷秋風嫋嫋木葉亂隨風舞記扁舟
橫斜載月目極暮濤烟渚傳聲試問垂虹千頃蘭棹
有誰重駐雲濺雷翻潮頭過後帆影散前浦此中高興
何人解道天也未應輕付且留取千鍾痛飲與君共賦

前調

趙師俠

秋滿蘅皋淡雲籠月晚來風勁一抹殘霞數聲過鴈還
是黃昏近憑高臨遠倚樓凝睇多少斷愁幽興聽漁村
鳴榔隱隱別浦暮烟收暝湘妃起舞芳蘭紉佩約略
亂峰雲鬢景物悲涼楚天澹淡過盡歸帆影斜陽低處
遠山重叠蕭樹亂鴉成陣空無言闌杆凭暖悶懷似困

前調

金林檎

趙師俠

日麗風暄暗催春去春尚留戀香褪花梢苔侵柳徑密

幄清陰展海棠零亂梨花淡泞初聽鬧空鶯燕有輕盈
妍姿靚態緩步闌風仙苑綠叢紅萼芳鮮柔媚約略
試妝深淺細葉來禽長梢戲蝶簇簇枝頭見醜顏鬚髮
春愁無力困倚畫屏嬌軟只應怕風欺雨橫落紅萬點

前調

秋夜有感

李綱

秋色方濃好天涼夜風雨初霽缺月如鉤微雲半掩的
皦星河碎爽來軒戶涼生枕簟夜永悄然無寐起徘徊
憑闌凝竚片時萬情千意江湖倦客年來衰病坐歎

歲華空逝往事成塵新愁似鎖誰是知心底五陵蕭瑟
中原杳杳但有滿襟清淚對蘭缸呼童取酒且圖徑醉

前調

梅子

楊无咎

風褪柔英雨肥繁實又還如豆玉核初成細腮尚淺齒
軟酸凝透粉牆低亞佳人驚見不管露沾襟袖折一枝
釵頭未插應把手搓頻嗅相如病酒只應思此免使
文君眉皺入鼎調羹攀林止渴功業還依舊看看飛燕
銜將春去又是欲黃時候爭如向金盤滿捧共君對酒

前調

梅雪

辛棄疾

怪底寒梅一枝雪裏只恁愁絕問訊無言依稀似妬天上飛英白江山一夜瓊瑤萬頃此段如何妬得細看來風流添得自家越樣標格晚來樓上對花臨鏡學作半妝嬌額著意爭妍那知却有人妬花顏色無情休問許多般事且自訪梅踏雪待行過溪橋夜半更邀素月

前調

京口北固亭懷古

辛棄疾

千古江山英雄無覓孫仲謀處舞榭歌臺風流總被雨

打風吹去斜陽草樹尋常巷陌人道寄奴曾住想當年
金戈鐵馬氣吞萬里如虎元嘉草草封狼居胥贏得
倉皇北顧四十三年望中猶記烽火揚州路可憐回首
佛狸祠下一片神鴉社鼓憑誰問廉頗老矣尚能飯否

前調

宿鷗
盟軒

張元幹

月印金盆江縈羅帶涼飈天際摩詰丹青營丘平遠一
望窮千里白鷗盟在黃梁夢破投老此心如水平耿無眠
披衣顧影乍聞繞塔絡緯百年倦客三生習氣今古

到頭誰是夜色蒼茫浮雲滅沒舉世方熟寐誰人著眼
放神八極逸想寄塵寰內獨凭闌雞鳴日上海山霧起

前調

為洛濱
橫山作

張元幹

飛觀橫空衆山遶
向江面相照曲檻披風虛檐挂月據
盡登臨要有時
巾屨訪公良夜坐我半天林杪攬浮丘
飄飄衣袂相與似遊蓬島
主人勝度文章英妙合住
北扉西沼何事十年風簾露沐不厭江山好
曲屏端有
吹簫人在同倚暮雲清曉
乘除了人間寵辱付之一笑

前調

陪程金谿躍馬用其韻

趙彥端

杜曲桑麻灞橋風雪歸夢無路馬健凌秋人閒玩日聊
用寬遲暮搖搖羽扇翩翩鳬舄勝處恍疑仙去笑相看
風林露草古來有誰知趣黃公壚下山陰亭畔歲月
著鞭如鷲出塞功名入關遊說紙上俱難據論詩說劍
尊前風味天巧却容人覩問少陵酣歌拓戟為誰獻賦

前調

劉 儼

青幄蔽林白氈鋪徑紅雨迷楚畫閣闌愁風簾捲恨盡

日縈情緒陽臺雲去文園人病寂寞翠尊雕俎惜韶容
匆匆易失芳叢對眼如霧巾歌潤衰衣寬涼滲又覺
漸回驕暑解簪吹香遺丸薦脆小芰浮鴛浦畫闌如舊
依稀猶記竚立一鈎蓮步黯消魂那堪又聽杜鵑聲苦

前調

章使君
席上

黃機

別院春深華堂晝永嘉讌初啟翠玉尊疊紅牙絲管睡
鴨沉烟裏弄晴雲態行空絮影漠漠似飛如墜最多情
紫絲圍就錯落亂星流地使君自有元龍豪氣喚客

且休辭醉蝶困蜂酣燕嬌鶯姹歡意濃如此侃其笑語
止乎禮義衣佩細紉蘭芷遙歸去殘更欲盡曉鴉又起

前調

次韻弔
青樓

高觀國

淺暈脩蛾脆痕紅粉猶記窺戶香斷匳空塵生砌冷誰
喚青鸞舞春風花信秋宵月約歷歷此心曾許銜芳恨
千年怨結玉骨未應成土木蘭艇子莫愁何在漫繫
寒江烟樹事逐雲沉情隨佩冷短夢分今古一抔遙夜
孤光難曉多少碎人腸處空淒黯西風細雨盡吹淚去

前調

七夕和
劉隨如

趙以夫

雲鴈將秋露螢照夜涼透牕戶星鈿珠疎月匳金小清
絕無點暑天孫河鼓東西相望隱隱光流華渚妝樓上
青瓜玉果多少駢兒癡女金鍼暗度蛛絲密結便有
繫人心處經歲離思霎時歡愛愁緒空萬縷人間天上
一般情味枉了錦箋囑付又何似吹笙仙子跨黃鶴去

前調

送春

洪璚

歌雪徘徊夢雲溶曳欲勸春住薄倖楊花無端杜宇抵

死催教去參差烟岫千回百匝不解禁春歸路病懨懨
那堪更聽小樓一夜風雨金釵鬪草玉盤行菜往事
了無憑據合數松兒分香祀子總是牽情處小桃朱戶
題詩在否尚憶去年崔護綠陰中鶯鶯燕燕也應解語

前調

過李氏妝閣
見舊題因賦

吳文英

春酌沉沉晚妝的的仙夢遊慣錦湫維舟青門倚蓋還
被籠鸚喚裴郎歸後秋娘沉恨謾客請傳芳卷聯題在
頻經翠袖勝隔紺紗塵幔桃根杏葉膠黏紺縹幾回

凭闌人換峨眉髻愁雲蘭香膩粉都為多情褪離巾拭淚
征袍染醉強作酒朋花伴留連怕風姨浪妒又吹雨斷

前調

探梅次
時齋韻

吳文英

閣雪雲低卷沙風急驚鴈失序戶捲寒宵屏閒冷夢燈
颰似脣語堪憐牕景都閒刺繡但續舊愁一縷鄰歌散
羅襟印粉袖濕菑挑紅露西湖舊日留連清夜愛酒
幾將花誤遺韞塵消題裙墨黯天遠吹笙路吳臺直下
細梅無限未放野橋香度重謀醉揉香弄影水清淺處

前調

綠陰

蔣捷

清逼池亭潤侵山閣雲氣凝聚未有蟬前已無蝶後花
事隨逝水西園支徑今朝重到半礙醉筇吟屨除非是
鶯身瘦小暗中引雛穿去梅檐溜滴風來吹斷放得
斜陽一縷王子敲枰香綃落翦聲度深幾許層層離恨
淒迷如此點破漫煩輕絮應難認爭春舊館倚紅杏處

前調

任詢

月已中秋菊還重九夜久涼重滿地清霜半天白曉孤

唱聞耕隴蕭蕭牕几依然琴硯但覺鼠窺風動悔生平
趨前猛甚晚退却成無勇興衰更換妍媸淆混造物
大相遇弄二釁羞人五交賈鶯侯伯寧無種而今此念
消除都盡惟有故山歸夢吾廬更雙溪清遶萬峰翠擁
前調

危復之

早葉初鶯晚風孤蝶幽思何限檐角縈雲堦痕積雨一
夜苔生徧玉牕閒掩瑤琴慵理寂寞水沉烟斷悄無言
春歸無覓卷簾見雙飛燕風亭泉石烟林薇蕨夢繞

舊時曾見江上閒鷗心盟猶在分得眠沙畔引觴浮月
飛談卷霧莫管愁深懽淺起來倚闌干拾得殘紅一片

前調

又一體

馮琦

不願為雲何須似雨但求如雪雨落難收雲濃易散惟
雪稱奇絕亂點梅梢細勻花瓣玉色都無分別倩微風
吹入華軒悄把繡幃輕揭梅解偷香雪如傅粉賈女
何郎相悅漏泄春光東皇相妬不得常攀折雪片都消
梅香依舊瘦影侵孤月問何時重上瑤堦明歲寒時節

前調

體又一

柳永

薰風解愠畫錦晴和新霽時候火德流光綠圖薦祉累
慶金枝秀璇樞繞電華渚流虹是日挺生元后續唐虞
垂拱千載應期萬靈敷祐殊方異域爭貢琛賁架巖
航波奔湊三殿稱觴九儀就列韶濩鏘金奏藩侯瞻望
彤庭親攜僚吏賡歌元首祝堯齡北極齊尊南山共久

前調

體又一

陳允平

玉腕籠寒翠闌凭曉鶯調新篁暗水穿苔遊絲度柳人

靜芳晝長雲南歸鴈樓西飛燕去來慣認炎涼王孫遠
青青草色幾回望斷柔腸 薔薇舊約尊前一笑等閒
辜負年光鬪草庭荒拋梭架冷簾外風絮香傷春情緒
惜花時候日斜尚未成妝問嬉笑誰家女伴還又采桑

御選歷代詩餘卷八十二

欽定四庫全書薈要

御選歷代詩餘卷八十三目錄

起一百四字
至一百五字

拜星月慢

又一體

周邦彥

周密

南浦

又一體

周邦彥

安公子

又一體

晁補之

看花回

又一體

趙彥端

綺寮怨

周邦彥

趙文

王學文

賞南枝

曾鞏

綺羅香

又一體

史達祖

陳允平

王沂孫

三首

張炎

張槃

張翥

瀟湘逢故人慢

又一體

王安禮

錢應金

西湖月

又一體

黃子行

送入我門來

又一體

胡浩然

百宜嬌

呂渭老

更漏子

又一體

杜安世

望南雲慢

沈公述

惜餘歡

又一體

黃庭堅

西河

周邦彥

花發沁園春

王詵

前調

又一體

劉圻父

解連環

周邦彥

涼州令

又一體

歐陽修

張大烈

合歡帶

又一體

柳永

前調

又一體

杜安世

南浦

又一體

程垓

史達祖

前調 又一體

王沂孫 二首

張炎

張翥

陶宗儀

泛清波摘徧 又一體

晏幾道

秋霽

又一體

胡浩然

史達祖

吳文英

周密

二郎神

又一體

徐伸

吳潛

趙以夫
二首

吳文英

樓采

湯恢

尉遲杯
又一體

周邦彥

吳文英

無名氏

尹公遠

前調

又一體

賀鑄

西河

又一體

周邦彥

辛棄疾

楊澤民

吳文英

陳允平

張炎

御選歷代詩餘卷八十三目錄

欽定四庫全書薈要卷二萬七百六十一

集部

御選歷代詩餘卷八十三

起一百四字
至一百五字

拜星月慢

又一體雙調一百四字
或無慢字星或作新

拜星月慢

周邦彥

夜色催更清塵收露小市幽坊月暗竹檻燈牕識秋孌
庭院笑相遇似覺瓊林玉樹相倚暝日明霞先爛水盼
蘭情總平生稀見畫圖中舊識春風面誰知道自到

瑤臺畔春戀雨潤雲溫苦金風吹散念荒寒寄宿無人
館重門閉敗壁秋蟲歎怎奈何一縷相思隔溪山不斷

前調

周密

膩葉陰清孤花香冷迤邐方洲春換薄酒孤吟悵相如
遊倦想人在絮幕香簾凝望誤認幾許烟檣風慢芳草
天涯負華堂雙燕記簫聲淡月梨花院研紅箋漫寫
東風怨一夜落紅啼鴂喚河橋吟徧蕩歸心又過江南
岸清宵夢遠逐飛花亂幾千萬絲縷垂楊繫春愁不斷

南浦

又一體雙調
一百四字

南浦

周邦彥

淺帶一帆風向晚來扁舟穩下南浦迢遞阻瀟湘蘅皋
迴斜樣蕙蘭汀渚危檣影裏斷雲點點遙天暮菡萏裏
風偷送清香時時微度吾家舊有簪纓甚頓作天涯
經歲羈旅羌管怎知情烟波上黃昏萬斛愁緒無言對
月皓彩千里人何處恨無鳳翼身只待而今飛將歸去

安公子

又一體雙調
一百四字

安公子

送四弟
官無為

晁補之

柳老荷花盡夜來霜落平湖淨征鴈橫天鷗舞亂魚遊
清鏡又還是當年我向江南興移畫船深渚蒹葭映對
半篙碧水滿眼青山魂凝一番傷華鬢放歌狂飲猶
堪逞水驛孤帆明夜事此懽重省夢回處詩塘春草愁
難整宦情與歸思終朝競記他年相訪認取斜川三徑

看花回

又一體雙調
一百四字

看花回

趙彥端

端有恨留春無計花飛何速檻外青青翠竹鎮高節凌
雲清陰常足春寒風袂帶雨穿牕如利鏃催處處燕巧
鶯慵幾聲鈎輶叫雲木看波面垂楊蘸綠最好是風
梳烟沐陰重薰簾未捲正泛乳新芽香飄清馥新詩惠
我開卷醒然欣再讀歎詞章過人華麗擲地勝如金玉

綺寮怨

雙調一

百四字

綺寮怨

周邦彥

上馬人扶殘醉曉風吹未醒映水曲翠瓦朱檐垂楊裏
乍見津亭當時曾題敗壁蛛絲罩淡墨苔暈青念去來
歲月如流徘徊久歎息愁思盈去去倦尋路程江陵
舊事何曾再問楊瓊舊曲淒清歛愁黛與誰聽尊前故
人如在想念我最關情何須渭城歌聲未盡處先淚零

前調

趙文

絳闕珠宮何處碧梧雙鳳嗟為底事一落人間輕題破
隱韻天音當時點雲滴雨匆匆處誤墨沾素襟算人間
最苦多情爭知道天上情更深 世事似晴又陰羅襦

甲帳回頭一夢難尋虎嘯叢叢護遺跡尚如今斜陽落
花流水吹紫宇澹成林霜空月明天風響環珮飛翠禽

前調

王學文

忽忽東風又老冷雲吹晚陰疎簾下茶鼎孤烟斷橋外

梅豆千林江南庾郎憔悴睡未醒病酒愁怎禁倚闌干
一扇涼風看平地落花如雪深 千曲囊中古琴平泉

金谷不堪舊事重尋當日登臨都化作夢銷沉元龍丘
墳無恙誰喚起共論心哀歌怨吟問何似啼鳥枝上音
賞南枝

雙調一

百四字

賞南枝

曾鞏

暮冬天地閉正柔木凍折瑞雪飄飛對景見南嶺梅露

幾點清雅容姿丹染萼玉綴枝又豈是一陽有私大抵
化工獨許使占却先時 霜威莫苦禁持此花根性想
羣卉爭知貴用在和羹三春裏不管綠是紅非攀賞處
宜酒卮醉撚嗅幽香更奇倚闌仗何人去囑羌管休吹
綺羅香

又一體雙調

一百四字

綺羅香

春雨

史達祖

做冷欺花將烟困柳千里偷催春暮盡日冥迷愁裏欲

飛還住驚粉重蝶宿西園喜泥潤燕歸南浦最妨他佳
約風流鈿車不到杜陵路沉沉江上望極還被春潮
晚急難尋官渡隱約遙峰和淚謝娘眉嫵臨斷岸新綠
生時是落紅帶愁流處記當日門掩梨花翦燈深夜話

前調

秋雨

陳允平

鴈宇蒼寒蛩疏翠冷又是淒涼時候小揭珠簾衣潤唾
花羅縐洗曉露獨立哀荷遡歸燕尚棲殘柳想黃華羞
澀東籬斷無新句到重九孤檠清夢易覺腸斷唐昌

舊曲聲迷宮漏滴入愁心秋似玉樓人瘦烟檻外催落
梧桐帶西風亂捎鴛鴦記畫簾燈影沈沈共裁春夜韭

前調

紅葉
二首

王沂孫

玉杵餘丹金刀剩綵重染吳江孤樹幾點朱鉛幾度怨
啼秋暮驚舊夢綠鬢輕彫訴新恨絳脣微注最堪憐同
拂新霜繡蓉一鏡晚妝妬千林搖落漸少何事西風
老色爭妍如許二月殘花空誤小車山路重認取流水
荒溝怕猶有寄情芳語但淒涼秋苑斜陽冷枝留醉舞

前調

王沂孫

夜滴研朱晨妝試酒寒樹偷分春艷賦冷吳江一片試
霜猶淺驚漢殿絳點初凝認隋苑綵枝重翦問仙丹鍊
熟何遲少年色換已秋晚疎枝頻撼暮雨消得西風
幾度舞衣吹斷綠水荒溝終是賦情人遠空一似零落
桃花又等閒誤他劉阮且留取閒寫幽情石闌三四片

前調

王沂孫

屋角疎星庭陰暗水猶記藏鴉新樹試折梨花行入小

闌深處聽粉片簌簌飄塔有人在夜牕無語料如今門
掩孤燈畫屏塵滿斷腸句 佳期渾似流水還見梧桐
幾葉輕敲朱戶一派秋聲應做兩邊愁緒江路遠歸鴈
無憑寫繡箋倩誰持去漫無聊猶掩芳尊醉聽秋夜雨

前調

紅葉

張炎

萬里飛霜千林落木寒艷不招春妬楓冷吳江獨客又
吟愁句正船樣流水孤村似花繞斜陽歸路甚荒溝一
片淒涼載情不去載愁去 長安誰問倦旅羞見衰顏

借酒飄零如許漫倚新妝不入洛陽花譜為迴風起舞
尊前盡化作斷霞千縷記陰陰綠徧江南夜牕聽暗雨

前調

漁浦有感

張 槩

浦月窺檐松泉漱枕屏裏吳山何處暗粉疎紅依舊為
誰勻注都貪了燕約鶯期更閒却柳烟花雨縱十分春
到郵亭賦懷應是斷腸句 青青原上薺麥還被東風
無賴翻成離緒望極天西惟有隴雲江樹斜照帶一縷
新愁盡分付暮潮歸去步閒階待卜心期落花空細數

前調

雨中舟次
洹上

張翥

燕子梁深鞦韆院冷半濕垂楊煙縷怯試春衫長恨踏
青期阻梅子後餘潤留寒藕花外嫩涼銷暑漸驚他秋
老梧桐蕭蕭金井斷蛩暮熏篝須待被暖催雪新詞
未穩重尋笙譜水閣雲牕總是慣從經處曾信有客裏
關河又怎禁夜深風雨一聲聲滴在踈篷做成情味苦
瀟湘逢故人慢

又一體雙調
一百四字

瀟湘逢故人慢

初夏

王安禮

薰風微動方榴花弄色萱草成窩翠幃敞輕羅試冰簟
初展幾尺湘波踈檐廣厦稱瀟湘一枕南柯引多少夢
魂歸緒洞庭雨棹煙蓑驚回處閒晝永更時時燕雛
鶯友相過正綠影婆娑况庭有幽花池有新荷青梅煮
酒幸隨分贏取高歌功名事到頭終在歲華忍負清和

前調

山莊
秋集

錢應金

深秋村落誇青菱香熟素芋甜和擘紫蟹蒸黃雀知已

團聚笑語婆娑濃煙淡雪翦湘湖幾尺漁蓑縱消受白
蘋紅蓼生平未免情多空懷古時悵惻十年來可償
文債詩魔歎世路蹉跎恐心費參熊睂費松螺風期闊
絕喜今夕重話雲窩寒潭月皎然見底問君不醉如何

西湖月

又一體雙調
一百四字

西湖月

探梅

黃子行

初弦月挂林梢又一度西園探梅消息粉牆朱戶苔枝

露蕊淡勻輕飾玉兒應有恨為悵望東昏相記憶便解
珮飛入雲堦長伴此花傾國還嗟瘦損幽人記立馬

攀條倚闌橫笛少年風味拈花弄蕊愛香憐色揚州何
遜在試點染吟箋留醉墨漫贏得踈影寒牕夜深孤寂
送入我門來

又一體雙調一百四字調始胡浩然除夕一詞後
人復有少一字者次入前卷故以此為又一體也

送入我門來

除夕

胡浩然

茶壘安扉靈燄挂戶神儺裂竹轟雷動念流光四序式

週回須知今歲今宵盡似頓覺明年明日催向今夕是
處迎春送臘羅綺筵開今古偏同此夜賢愚共添一
歲貴賤仍偕互祝遐齡山海固難摧石崇富貴錢鏐壽
更潘岳儀容子建才仗東風盡力一齊吹送入此門來
百宜嬌

雙調一百四字與耆嫵
別名百宜嬌者不同

百宜嬌

呂渭老

隙月垂窺亂蛩催織秋晚嫩涼庭戶燕拂簾旌鼠窺牕

網寂寂飛螢來去金鋪鎮掩漫記得花時南浦約重陽
黃糝菊英小樓遙夜歌舞銀燭暗佳期細數簾幙漸
西風午牕秋雨葉底翻紅水面皺碧燈火裁縫砧杵登
高望極正霧鎖官槐歸路定須將寶馬鈿車訪吹簫侶
更漏子

又一體雙調
一百四字

更漏子

杜安世

庭遠途程算萬山千水路入神京暖日春郊綠柳紅杏

香逕舞燕流鶯客館悄悄閒庭堪惹舊恨深有多少馳
驅騫嶺涉水枉廢身心 思想厚利高名漫惹得憂煩
枉度浮生幸有青松白雲深洞清閒且樂昇平長是宦
游羈思別離淚滿襟望江鄉蹤跡舊游題書尚自分明
望南雲慢

雙調一
百四字

望南雲慢

沈公述

木葉輕飛乍雨歇亭皋簾捲秋光闌隈砌角綻拒霜幾

處蔭深淺紅芳應恨開時晚伴翠菊風前並香曉來寒
露嫩臉低凝似帶啼妝堪傷記得佳人當時怨別盈
腮淚粉行行而今最苦奈千里身心兩處淒涼感物成
消黯念舊歡空勞寸腸月斜殘漏夢斷孤幃一枕思量
惜餘歡

又一體雙調
一百四字

惜餘歡

黃庭堅

四時美景正年少賞心頻啟東閣芳酒載盈車喜朋侶

簪盞杯觴交飛勸酬互獻正酣飲醉主公陳榻坐來爭
奈玉山未頽興尋巫峽歌闌旋燒絳蠟况漏轉銅壺
煙斷香鴨猶整醉中花借纖手重插相將扶上金鞍腰
裏礪春焙願少延歡洽未須歸去重尋艷歌更留時霎

西河

河或作湖三
疊一百四字

西河

周邦彥

長安道瀟灑西風時起塵埃車馬晚游行灞陵煙水亂

鴉棲鳥夕陽中參差霜樹相倚 到此際愁如葦冷落
關河千里追思唐漢昔繁華斷碑殘記未央宮闕已成
灰終南依舊舊濃翠 對此景無限愁思遶天涯秋蟾如
水轉使客情如醉想當時萬古雄名盡作往來人淒涼事
花發沁園春

雙調一
百五字

花發沁園春

王詵

帝里春歸早先妝點皇家池館園林雛鶯未遷燕子乍

歸時節獻弄晴陰瓊樓朱閣恰正在柳曲花心翠袖艷
依凭闌干慣問絃管新音 此際相攜宴賞縱行樂隨
處芳樹遙岑桃腮杏臉嫩英萬葉千枝綠淺紅深輕風
煦日泛暗香長滿衣襟洞戶醉歸訪笙歌晚來雲海沉
沉

前調

又一體
史滄洲

呈

劉圻父

換譜伊涼選歌燕趙一番樂事重起花新笑靨柳軟纖
腰濟楚衆芳圍裏年年佳會長是傍清明天氣正魏紫

衣染天香蜀妝紅破春睡
一簇猩羅鳳翠徧東園西
城點檢芳事鈴齋吏散畫館人稀幾闌管絃清脆人生
適意流轉共風光遊戲到遇景取次成歡怎教良夜休
醉

解連環

雙調一百五字解連環本莊子語國策秦
遺胥連環使解之以周邦彥詞遂以名調

解連環

周邦彥

怨懷誰託嗟情人斷絕信音遼邈縱妙手能解連環似

風散雨收霧輕雲薄燕子樓空暗塵鎖一牀絃索想移
根換葉盡是舊時手種紅藥汀洲漸生杜若料舟依
岸曲人在天角記得當日音書把閒語閒言待總燒却
水驛春迴望寄我江南梅萼擦今生對花對酒為伊淚
落

涼州令

又一體雙調
一百五字

涼州令

歐陽修

翠樹芳條颭的的裙腰初染佳人攜手弄芳菲綠陰紅
影共展雙紋簾插花照影窺鸞鑑只恐芳容減不堪零
落春晚青苔雨後深紅點一去門閤掩重來却尋朱
檻離離秋實弄輕霜嬌紅脈脈似見胭脂臉人非事往
睂空斂誰把佳期賺芳心只願長依舊春風更放明年
艷

前調

榴花次歐陽永叔韻

張大烈

風動柔枝颭朶朶猩紅新染玉手摘來斜插鬢翠鬟凝

燒赤耀臙脂簾來回顧影明金鑑驚惜嬌姿減那堪陣
陣飄飄妬花風鮮紅飛點 翡翠重門掩燕子哺雛畫
檻結來秀實綴芳條朱英丹綻如面微酡臉新子離離
胎內歛恐被多情賺怎得月令閨朱明留駐韶華觀麗
艷

合歡帶

又一體雙調

一百五字

合歡帶

柳永

身材兒早是妖嬈算舉措實難描一箇肌膚渾似玉更
都來占了千嬌妍歌艷舞鶯慚巧舌柳妬纖腰自相逢
便覺韓娥價減飛燕聲銷桃花零落溪水潺湲重尋
仙徑非遙莫道千金酬一笑便明珠萬斛須邀檀郎幸
有凌雲詞賦擲果丰標況當年便好相攜鳳樓深處吹
簫

前調

又一體

杜安世

樓臺高下玲瓏鬪芳樹綠陰濃芍藥孤栖香艷晚見櫻

桃萬顆初紅巢喧乳燕珠簾縷曳滿戶香風罩紗幃象
牀屏枕晝眠才似朦朧 起來無語更兼慵念分明往
事成空被你厭厭牽繫我怪纖腰繡帶寬髮春來早是
分飛兩處長恨西東到如今扇移明月簾鋪寒浪與誰
同

南浦

又一體雙調
一百五字

南浦

程垓

金鴨嬾熏香向晚來春醒一枕無緒濃綠漲瑤牕東風
外吹盡亂紅飛絮無言竚立斷腸惟有流鶯語碧雲欲
暮空惆悵韶華一時虛度 追思舊日心情記題葉西
樓吹花南浦老去覺懽踈傷春恨都付斷雲殘雨黃昏
院落問誰猶在凭闌處可堪杜宇空只解聲聲催他春
去

前調

史達祖

玉樹曉飛香待倩他和愁點破妝鏡輕嫩一天春平白

地都護雨昏烟暝幽花露濕定應獨把闌干凭謝屐未
蠟安排共文鴛重遊芳徑年來夢雨揚州怕事隨歌
殘情趁雲冷嬌盼隔東風無人會鶯燕暗中心性深盟
縱約盡同晴雨全無定海棠夢在相思過西園秋千紅
影

前調

又一體

王沂孫

柳外碧連天漾翠紋漸平低蘸雲影應是雪初消巴山
路蛾眉乍窺清鏡綠痕無際幾番飄蕩江南恨弄波素

戰至甚處空把落紅流盡
何時橋里萼鄉泛一舸翻
然東風歸興孤夢遶滄浪
蘋花岸漠漠雨昏烟暝連筒
接縷故溪深掩柴門靜只愁
雙燕銜春去拂破藍光千頃

前調

春水

王沂孫

柳下碧粼粼認麴塵乍生色
嫩如染清溜滿銀塘東風
細參差穀紋初徧別君南浦
翠睂曾照波痕淺再來漲
綠迷舊處添却殘紅幾片
蒲萄過雨新痕正拍拍輕

鷗翩翩小燕簾影蘸樓陰芳流去應有淚珠千點滄浪
一舸斷魂重唱蘋花怨采香幽徑鴛鴦睡誰道前裙人
遠

前調

張炎

波暖綠鱗鱗燕飛來好是蘇堤纔曉魚沒浪痕圓流紅
去翻喚東風難埽荒橋斷浦柳陰撐出扁舟小回首池
塘青欲徧絕似夢中芳草和雲流出空山甚年年淨
洗花香不了新綠乍生時孤村路猶憶那回曾到餘情

渺渺茂林觴咏如今悄前度劉郎歸去後溪上碧桃多
少

前調

樣舟
南浦

張翥

花落楚江流過西山雨漲漁村無路雙槳載愁來蘋沙
外惟有盟鷗相覩春波碧草送君曾是傷情處依舊朝
雲飛盡棟秋滿鶴汀鳬渚斜陽三兩人家看青旗影
裏炊烟一縷素被夜深船淒涼聽還似西風溫浦征鴻
去盡夢回明月生烟樹如此山川無限恨都付一尊懷

古

前調

陶宗儀

如此好溪山羨雲屏九疊波影涵素暖翠隔紅塵空明
裏著我扁舟容與高歌鼓柁鷗邊常是尋盟去頭白江
南看不了何況幾番風雨畫圖依約天開蕩清暉另
有越中真趣孤嘯拓篷牕幽情遠都在酒瓢茶具水蒨
搖晚月明一笛潮生浦欲問漁郎無恙否回首武陵何
許

泛清波摘徧

又一體雙調
一百五字

泛清波摘徧

晏幾道

催花雨小著柳風柔都似去年時候好露紅烟綠盡有
狂情鬪春早長安道秋千影裏絲管聲中誰放艷陽輕
過了倦客登臨暗惜光陰恨多少 楚天渺歸思正如
亂雲短夢未成芳草空把吳霜鬢華自悲清曉帝城杳
雙鳳舊約漸虛孤鴻後期難到且趁朝花夜月翠尊頻

倒

秋霽

又一體雙調一百五字此調始於胡浩然因前有少字者故列為又一體一名春霽一名平湖秋月

秋霽

胡浩然

虹影侵堦乍雨歇長空萬里凝碧孤鷺高飛落霞相映
遠狀水鄉秋色黯然望極動人無限愁如織又聽得雲
外數聲新鴈正嘹唳當此暗想畫閣輕拋杳然殊無
些箇消息漏聲稀銀屏冷落那堪殘月照牕白衣帶損

寬猶阻隔算此情苦除非宋玉風流共懷傷感有誰知得

前調

史達祖

江水蒼蒼望倦柳愁荷共感秋色廢閣先涼古簾空暮
鴈程最嫌風力故園信息愛渠入眼南山碧念上國誰
是鱸鱸江漢未歸客還又歲晚瘦骨臨風夜間秋聲
吹動岑寂露蛩悲清燈冷屋繡書愁上鬢毛白年少俊
遊渾斷得但可憐處無奈冉冉驚魂採香南浦翦梅烟

驛

前調

賦雲麓水
園長橋

吳文英

一水盈盈漢影隔游塵淨洗寒綠秋沐平烟日回西照
乍驚飲虹天北綵蘭翠馥錦雲直下花成屋試縱目空
際醉來風露跨黃鵠追想縹緲釣雪松江恍然烟蓑
秋夢重續問何如臨池贈王扁舟空槎洞庭宿也勝飲
湘然楚竹夜久人悄王妃喚月歸來挂笙聲裏水宮六
六

前調

秋日游西湖

周密

重到西泠記芳園載酒畫舸橫笛水曲芙蓉渚邊鷗鷺
依依似舊相識年華易失斷橋幾換垂楊色漫自惜愁
損庾郎雙鬢點華白殘蛩露草怨蝶飛花轉眼西風
又成陳迹歎如今才疎量減尊前孤負醉吟筆欲寄遠
情秋水隔舊遊空在憑高望極斜陽亂山浮紫暮雲凝
碧

二郎神

又一體雙調一百
五字亦名十二郎

二郎神

徐伸

悶來彈鵲又攪碎一簾花影漫試著春衫還思纖手熏
徹金猊燼冷動是愁端如何向但怪得新來多病嗟舊
日沈腰而今潘鬢怎堪臨鏡重省別時淚漬羅襟猶
凝料為我厭厭日高慵起長托春醒未醒鴈足不來馬
蹄難去門掩一庭芳景空佇立盡日闌干倚徧畫長人
靜

前調

吳潛

小樓向晚正柳鎖一城烟雨記十里吳山繡簾朱戶曾
學宮詞內舞浪逐東風無人管但脈脈歲移年度嗟往
事未塵新愁還織恁堪重訴凝竚問春何事飛紅飄
絮縱度曲秦川舊家都去誰寄音書說與野草淒迷暮
雲沉黯渾自替人無緒珠淚滴應把寸腸萬結夜惟深
處

前調

次陳惟
道韻

趙以夫

野塘暗碧漸點點翠鈿明鏡想畫永珠簾人間金屋時
倚妝臺照影睡起闌干凝思處漫數盡歸鴉栖暝知月
下鶯黃雲邊蛾綠為誰重整 曾倩鴈傳鵲報心期罕
定奈柳絮浮雲桃花流水長是參差不並莫怨春歸莫
愁柘老蠶已三眠將醒腸斷句枉費丹青漠漠水遙烟
冥

前調

趙以夫

一江綠淨算閱盡燕鴻來去便繫日繩長修蟾斧妙教

駐韶華未許白白紅紅多少態問底事東皇無語但碧
草淡烟落花流水不堪回斂晴雨陡寒乍熱清陰庭
戶任詩卷拋荒棋枰休務寂寞風簾舞絮我酌君斟我
詞君唱誰似卿卿簫史操酩酊斷送春歸恰好聽鳩呼
婦

前調

吳江垂
虹橋亭

吳文英

素天際水浪拍碎凍雲不凝記曉葉題霜秋燈吟雨曾
繫長橋過艇又是賓鴻重來後猛賦得歸期纔定嗟繡

鴨解言香鱸堪釣尚廬人境 幽興爭如共載越娥妝
鏡念倦客依然貂裘茸帽重向松江照影酹酒蒼茫倚
歌平遠亭上玉虹腰冷迎醉面暮雪飛花幾點黛愁山
暝

前調

樓采

露牀轉玉喚睡醒綠雲梳曉正倦立銀屏新寬衣帶生
怯輕寒料峭悶絕相思無人問但怨入牆陰啼鳥歎露
屋鎖春晴風喧晝柳輕梅小 人悄日長漫憶秋千嬉

笑悵燼冷鑪熏花深鶯靜簾箔微紅醉裊帶結留詩粉
痕銷悵情遠竊香年少凝恨極盡日憑高目斷淡烟芳
草

前調

用徐幹
臣韻

湯恢

瑣牕睡起閒竚立海棠花影記翠楫銀塘紅芽金縷杯
泛梨花凍冷燕子銜來相思字道玉瘦不禁春病應蝶
粉半銷鴉雲斜墜暗塵侵鏡還省香痕碧唾春衫都
凝悄一似荼蘼玉肌翠被消得東風喚醒青杏單衣楊

花小扇閒却晚春風景最苦是蝴蝶盈盈弄晚一簾風靜

尉遲杯

又一體雙調
一百五字

尉遲杯

周邦彥

隋堤路漸日晚密靄生深樹陰陰淡月籠沙還宿河橋
深處無情畫舸都不管烟波隔前浦等行人醉擁重衾
載將離恨歸去因思舊客京華長恨傍疎林小檻歡

聚冶葉倡條俱相識仍慣見珠歌翠舞如今向漁村水
驛夜如歲焚香獨自語有何人念我無聊夢魂凝想駕
侶

前調

賦楊公
小蓬萊

吳文英

垂楊逕洞鑰啟時遣流鶯迎涓涓暗谷流紅應有緗桃
千頃臨池笑靨春色滿銅華弄妝影記年時試酒湖陰
褪花曾采新杏 蛛牕繡網玄經繞石硯開匱雨潤雲
凝小小蓬萊香一掬愁不到朱嬌翠靚清尊伴人間永

日斷琴和棋聲竹露冷笑從前醉卧紅塵不知仙在人境

前調

無名氏

歲云暮歎光陰冉冉能幾許江梅尚怯餘寒長安信音
猶阻東風無據凭欄久欲去還凝竚憶溪邊月底徘徊
暗香疎影朱戶朝來凍解霜銷南枝上香英數點微
露把酒看花無言有淚還是那時情緒花依舊晨妝何
處漫贏得花前愁千縷儘高樓畫角頻吹任教紛紛飛

素

前調

題廬古溪
響碧琴所

尹公遠

冰絃語在竹樹院落深深處當年野草閒花何許浮雲
飛絮征鴻至止縱汗漫遊人遠回顧遲瓊樓五色簾開
喚醒玄鶴飛舞何事夢斷湖山尚九里松聲八月潮
怒三十年餘臺池清淚不為花奴羯鼓想天上羣仙老
矣甚比似人間更愁苦倩畫闌留住西風莫教吹入雲
去

前調

又一體

賀鑄

勝游地信東吳絕景饒佳麗平湖底見層嵐涼月下聞
清吹人如濃李泛衿袂香潤蘋風起喜凌波素艤逢迎
領畧當歌深意、鄂君被雙鴛綺垂楊蔭夷猶畫舸相
檣寶瑟絃調明珠佩委回首碧雲千里歸鴻後芳音如
寄念懷繫青鬢今無幾枉分將鏡裏華年付與樓前流
水

西河

又一體三疊

一百五字

西河

金陵懷古

周邦彥

佳麗地南朝盛事誰記山圍故國遶清江髻鬟對起
濤寂寞打孤城風檣遙度天際斷崖樹猶倒倚暮愁

艇子曾繫空餘舊跡鬱蒼蒼霧沉半壘夜深月過女牆
來傷心東望淮水酒旂戲鼓甚處市想依稀王謝鄰
里燕子不知何世向尋常巷陌人家相對如說興亡斜
陽裏

前調

送錢仲耕
移守婺州

辛棄疾

西江水道是西江人淚無情却解送行人月明千里從
今日日倚高樓傷心烟樹如薺會君難別君易草草
不如人意十年著破繡衣茸種成桃李問君可是厭承
明東方鼓吹千騎對梅花更消一醉看明年調鼎風
味老大自憐憔悴過吾廬定有幽人相問歲晚淵明歸
來未

前調

岳陽次周
美成韻

楊澤民

形勝地岳陽事見圖記因山峭拔聳孤城畫樓湧起楚
吳巨澤圻東南驚濤浮動空際半天樓閣翠倚玉人
鳳舸難繫空餘細草沒章華但存故壘二妃祠宇隔黃
陵精魂遙接雲水蟹魚橘柚漸上市是當年屈宋鄉
里別有老仙高世袖青蛇屢入都無人對惟有枯松城
南裏

前調

登花園

吳文英

春乍霽清連畫舫融洩螺雲萬疊黯凝秋黛蛾照水漫

將西子比西湖溪邊人更多麗
步危徑攀艷蕊掬霞
到手紅碎青蛇細折小迴廊去天半咫尺畫闌入暮起東
風棋聲吹下人世
海棠藉雨半繡地殘寒退初卸羅
綺除酒消春何計向沙頭更續斜陽一醉雙玉杯和流
花洗

前調

金陵懷古次
周美成韻

陳允平

形勝地西陵往事重記溶溶王氣滿東南英雄間起鳳
遊何處古臺空長江縹緲無際
石頭城上試倚吳襟

楚帶如繫烏衣巷陌幾斜陽燕閒舊壘後庭玉樹委歌
塵淒涼遺恨流水 買花問酒錦繡市醉新亭芳草千
里夢醒覺非今世對三山半落青天數點白鷺飛來西
風裏


前調

張炎

花最盛西湖曾泛煙艇開紅深處小秦箏斷橋夜飲鴛
鴦水宿不知寒如今翻被驚醒 那時事都倦省闌干
來此間凭是誰分得半機雲恍疑畫錦想當飛燕皺裙

時舞盤微墮珠粉
軟波不翦素練淨碧
盈盈移下秋
影醉裏玉書難認
且脫巾露髮飄然乘興
一葉浮香天外冷

御選歷代詩餘卷八十三



總校官庶吉士 臣張能

校對官庶吉士 臣陳士

膳錄監生 臣周樹

膳錄監生 臣沈二